



Ráitis Airgeadais

An tÚdarás Rialála Seirbhísí Maoine

Don bhliain dar críoch an 31 Nollaig 2019



AN tÚDARÁS RIALÁLA SEIRBHÍSÍ MAOINE

CLÁR ÁBHAIR

LEATHANACH

Faisnéis Ghinearálta	3
Ráiteas Rialachais agus Tuarascáil Chomhaltaí an Bhoird	4 - 9
Ráiteas ar Rialú Inmheánach	10 - 14
Tuarascáil an Iniúcháir	15 - 16
Ráiteas maidir le hIoncam agus Caiteachas agus Cúlchistí Ioncaim Coinnithe	17
Ráiteas maidir leis an Staid Airgeadais	18
Ráiteas maidir le Sreabhadh Airgid	19
Nótaí leis na Ráitis Airgeadais	20 - 28



AN tÚDARÁS RIALÁLA SEIRBHÍSÍ MAOINE

FAISNÉIS GHINEARÁLTA

Ceannoifig	An Údarás Rialála Seirbhísí Maoine Foirgnimh na Mainistreach Bóthar na Mainistreach An Uaimh Co. na Mí C15 K7PY
Comhaltaí Boird	Geraldine Clarke (Cathaoirleach) Paul Mooney Edward Carey Martin Hanratty (Ceapachán in éag an 02 Aibreán 2019) Patrick Davitt (Ceapachán in éag an 02 Aibreán 2019) Josephine Henry (Ceapachán in éag an 02 Aibreán 2019) Deirdre Fox (Ceapachán in éag an 02 Aibreán 2019) Regina Terry (Ceapachán in éag an 02 Aibreán 2019) Muiris O'Ceidigh Aideen Hayden Hilary Griffey Ella Dunphy (Ceaptha an 15 Aibreán 2019) Gordon Hughes (Ceaptha an 15 Aibreán 2019) Emer Byrne (Ceaptha an 15 Aibreán 2019) Orla Moran (Ceaptha an 15 Aibreán 2019) Martin McDermott (Ceaptha an 04 Meitheamh 2019)
Feidhmeannach Sinsearach:	Maeve Hogan Uasal, (Príomhoifigeach Feidhmiúcháin)
Uimhir Theileafóin:	1890 252 712 (046) 903 3800
Uimhir Facs:	(046) 903 3888
Láithreán Gréasáin:	www.psr.ie
Ríomhphost:	info@psr.ie
Iniúcháirí:	Oifig an Ard-Reachtair Cuntas agus Ciste 3A Sráid an Mhéara Uachtarach Baile Átha Cliath D01 PF72



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Cúrsaí Rialachais

Bunaíodh Bord an Údaráis Rialála Seirbhísí Maoine faoin Acht um Sheirbhísí Maoine (Rialáil), 2011. Leagtar amach feidhmeanna an Údaráis i gCuid 2 Alt 10 den Acht seo. Tá an tÚdarás freagrach don Aire Dlí agus Cirt agus Comhionannais agus tá sé freagrach as a chinntiú go ndéantar dea-rialachas. Tugann sé faoin tasc seo trí chuspóirí agus spriocanna straitéiseacha a leagan amach agus cinntí straitéiseacha a ghlacadh maidir leis na príomhcheisteanna gnó ar fad. Is ar an bPríomhfheidhmeannach (CEO) agus ar an meitheal shinsearach bainistíochta a leagtar an fhreagracht as an ngnáthbhainistíocht ó lá go lá agus as an tÚdarás Rialála Seirbhísí Maoine a rialú agus a stiúradh. Ní mór don Phríomhfheidhmeannach agus don mheitheal shinsearach bainistíochta an stiúir straitéise ghinearálta arna leagan amach ag an Údarás a leanúint agus a chinntiú go mbíonn tuiscint léir ghlan ag gach comhalta den Údarás ar na bearta agus ar na cinntí príomhthábhachtacha ra bhaineann leis an eintiteas agus ar ábhar suntasach baoil a d'fhéadfadh a theacht chun cinn. Feidhmíonn an Príomhfheidhmeannach mar cheangal díreach caidrimh idir an Údarás agus lucht bainistíochta an Údaráis Rialála Seirbhísí Maoine.

Freagrachtaí an Údaráis

Leagtar obair agus freagrachtaí an Údaráis amach in Acht um Sheirbhísí Maoine (Rialáil), 2011, ina luaitear chomh maith na nithe sin ar leis an Údarás amháin cinneadh a dhéanamh ina leith. Ar na réimsí oibre a bhíonn ar chlár oibre an Údaráis lena meas go rialta, áirítear:

- dearbhú leasanna,
- tuairiscí ó na coistí,
- tuarascálacha airgeadais/cuntais bhainistíochta,
- tuairiscí ar chúrsaí feidhmíochta (ráitis straitéiseacha),
- clár riosca,
- staitisticí.

Ceanglaítear faoi Alt 22(2) den Acht um Sheirbhísí Maoine (Rialáil), 2011 ar an Údarás de Údarás Rialála Seirbhísí Maoine chun gach cuntas cuí agus rialta a choimeád ar airgead a fuair sé nó a chaith sé, i gcibé foirm a fhaomhfaidh an tAire Dlí agus Cirt agus Comhionannais le toiliú ón Aire Caiteachais Phoiblí agus Athchóirithe.

Agus na ráitis airgeadais seo á n-ullmhú, ceanglaítear ar Údarás an Údaráis Rialála Seirbhísí Maoine:

- beartais chuntasaíochta oiriúnacha a roghnú agus iad a fheidhmiú go seasta,
- breithiúnais agus meastacháin a dhéanamh atá réasúnach agus stuama;
- na ráitis airgeadais a ullmhú ar bhonn ghnóthais leantaigh murar míchuí a cheapadh go leanfaidh an gnóthas i mbun feidhme, agus
- a lua cibé an ndearnadh caighdeáin chuntasaíochta infheidhme a leanúint, faoi réir ag aon athrú ábhartha a nochtar agus a mhínítear sna ráitis airgeadais.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Tá an tÚdarás freagrach as taifid chuntasáíochta leordhóthanacha a choimeád a nochtann, go réasúnta cruinn ag aon tráth ar bith, a staid airgeadais agus a chuirfidh ar a chumas a chinntiú go bhfuil na ráitis airgeadais mar atá dlite faoi Alt 22(2) den Acht um Sheirbhísí Maoine (Rialáil), 2011. Is ar an Údarás a leagtar an fhreagracht maidir le heolas corparáide agus faisnéis airgeadais a chur ar fáil ar láithreán gréasáin Údarás Rialála Seirbhísí Maoine agus maidir le hiomláine an ábhair sin.

Is é an tÚdarás atá freagrach as an bplean agus buiséad bliantúil a cheadú. Rinneadh athbhreithniú maidir le feidhmíocht an Údarás Rialála Seirbhísí Maoine i gcomórtas leis an bplean bliantúil agus leis an mbuiséad an 11 Nollaig 2019.

Tá an tÚdarás freagrach freisin as a shócmhainní a chosaint agus as sin, céimeanna réasúnacha a ghlacadh chun calaois nó mírialtachtaí eile a chosc agus a bhrath.

Measann an tÚdarás go dtugann ráitis airgeadais an Údarás Rialála Seirbhísí Maoine léargas fíor agus cothrom ar fheidhmíocht airgeadais agus ar staid airgeadais an Údarás Rialála Seirbhísí Maoine amhail an 31 Nollaig 2019.

Struchtúr an Údarás

Tá an tÚdarás comhdhéanta de Chathaoirleach agus deichniúr gnáthchomhaltaí atá ceaptha ar fad ag an Aire Dlí agus Cirt agus Comhionannais. Ceapadh comhaltaí an Údarás ar feadh tréimhse ceithre bliana agus tháinig siad le chéile sé huair le linn na bliana 2019. Leagtar amach sa tábla thíos mioneolas faoi thréimhsí ceapacháin na gcomhaltaí reatha:

Comhalta Údarás	Ról	Dáta Ceaptha	Dáta éaga an cheapacháin
Geraldine Clarke	Cathaoirleach	28/11/2016	
Paul Mooney	Comhalta	28/11/2016	
Edward Carey	Comhalta	28/11/2016	
Martin Hanratty	Comhalta	03/04/2015	02/04/2019
Patrick Davitt	Comhalta	03/04/2015	02/04/2019
Josephine Henry	Comhalta	03/04/2015	02/04/2019
Deirdre Fox	Comhalta	03/04/2015	02/04/2019
Regina Terry	Comhalta	03/04/2015	02/04/2019
Muiris O'Ceidigh	Comhalta	28/11/2016	
Aideen Hayden	Comhalta	28/11/2016	
Hilary Griffey	Comhalta	28/11/2016	
Ella Dunphy	Comhalta	15/04/2019	
Gordon Hughes	Comhalta	15/04/2019	
Emer Byrne	Comhalta	15/04/2019	
Orla Moran	Comhalta	15/04/2019	
Martin McDermott	Comhalta	04/06/2019	

Rinneadh athbhreithniú inmheánach ar an Údarás in 2019.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Tá dhá choiste curtha ar bun ag an Údarás mar seo a leanas:

1. Coiste Iniúcháireachta agus Riosca: atá comhdhéanta de bheirt de chomhaltaí an Údaráis agus beirt chomhaltaí neamhspleácha. Is é ról an Choiste Iniúchta agus Riosca (CIR) ná tacaíocht a thabhairt don Údarás maidir lena chuid freagrachtaí i ndáil le saincheisteanna a bhaineann le riosca, rialú, rialachas agus dearbhú ina leith sin. Tá an CIR neamhspleách ar lucht bainistíochta airgeadais na heagraíochta. Déanann an Coiste, go háirithe, a chinntiú go mbíonn monatóireacht á déanamh go gníomhach agus go neamhspleách ar na córais rialála inmheánacha, na bearta iniúcháireachta san áireamh. Tuairiscíonn an CIR chuig an Údarás i ndiaidh gach cruinnithe.

Is iad baill an Choiste Iniúchta agus Riosca ná: An Dr. Muiris O Ceidigh (Cathaoirleach), Hilary Griffey Uas., Theresa Carolan Uas. (neamhspleách) agus Mr. Myles O Reilly (neamhspleách). Tionóladh 4 chruinniú den Choiste i rith na bliana 2019.

2. Coiste Comhairleach an Chiste Cúitimh: comhdhéanta de thriúr comhaltaí den Údarás.

Is iad baill Choiste an Chiste Cúitimh ná: An Dr. Aideen Hayden, An Dr. Muiris O Ceidigh agus Hilary Griffey Uas., Tionóladh 2 chruinniú de Choiste an Chiste Cúitimh i rith na bliana 2019.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Sceideal maidir le cúrsaí Tinrimh, Táillí agus Costais

Leagtar amach thíos sceideal maidir le cúrsaí tinrimh ag cruinnithe an Bhoird agus an Choiste do 2019 lena n-áirítear táillí agus costais a fuair gach comhalta Údaráis:

	An Bord	Coiste an Chiste Cúitimh	Coiste Iniúchta agus Riosca	Táillí 2019 €	Caiteachais 2019 €
	6	2	4		
Geraldine Clarke	6			8,978	-
Paul Mooney	6			5,985	-
Edward Carey	5			5,985	58
Martin Hanratty	2			-	-
Patrick Davitt	2			1,496	-
Josephine Henry ¹	0			1,496	-
Deirdre Fox	1			1,496	-
Regina Terry	2			-	-
Muiris O'Ceidigh	6	2	4	-	-
Aideen Hayden	6	2		5,985	-
Hilary Griffey	4	2	3	5,985	-
Ella Dunphy	4			4,489	-
Gordon Hughes	3			4,489	740
Emer Byrne	3			-	-
Orla Moran	4			4,489	268
Martin McDermott	3			-	-
				50,873	1,066

Bhí cúigear comhaltaí den Údarás, an Dr. Muiris O'Ceidigh, Martin Hanratty, Regina Terry Uasal, Emer Byrne Uasal agus Martin McDermott nach bhfuair táille Boird de réir phrionsabail (OPOS) an Aon Tuarastail Amháin don Aon Duine Amháin.

Tháinig córam an Bhoird le chéile dhá uair sa bhreis in 2019 maidir le cás chun breithniú a dhéanamh ar mhór-smachtbhanna a fhorchur ar cheadúnaí agus chun teacht ar bhreith ina leith. I measc na gcomhaltaí Boird a bhí ann bhí: an Dr. Muiris O'Ceidigh, Orla Moran Uasal, Ella Dunphy Uasal agus Paul Mooney. Tháinig córam an Bhoird le chéile le haghaidh éisteacht ó bhéal maidir le héileamh ar an gciste cúitimh le linn na bliana 2019. I measc na gcomhaltaí Boird a bhí ann bhí: Geraldine Clarke Uasal, Paul Mooney, Hilary Griffey Uasal agus an Dr. Muiris O'Ceidigh.

¹ Bhí Josephine Henry Uas. as láthair ar saoire don chéad ráithe de 2019.



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Athruithe ar Phríomhphearsana

Níor tharla aon athruithe ar phríomhphearsana i rith na bliana 2019.

Nochtuithe a Éilítear faoi Chód Cleachtas maidir le Rialachas Comhlachtaí Stáit (2016)

Tá an tÚdarás freagrach as a chinntiú gur chomhlíon an tÚdarás Rialála Seirbhísí Maoine ceanglais Chód Cleachtas maidir le Rialachas Comhlachtaí Stáit (2016) ("an Cód") arna fhoilsiú ag an Roinn Caiteachais Phoiblí agus Athchóirithe i mí Lúnasa 2016. Éilítear na nochtuithe a leanas faoin gCód:

Miondealú ar shochair ghearrthéarmacha fostaithe

Áirítear i Nóta 4 (b) – Miondealú ar shochair fostaithe - tábla ina ndéantar miondealú ar shochair ghearrthéarmacha fostaithe.

Costais Chomhairleoireachta

Áirítear le costais chomhairleoireachta an costas a ghabhann le comhairle sheachtrach ar an lucht bainistíochta agus ní thugtar feidhmeanna ghnáthdhéanamh an ghnó seachfhoinisithe san áireamh.

	2019	2018
	€	€
Comhairle dlí	36,288	22,919
Iomlán	36,288	22,919

Costais agus Socraíochtaí Dlí

Sa tábla thíos léirítear miondealú ar shuimeanna a aithnítear mar chaiteachas sa tréimhse tuairiscithe maidir le socraíochtaí, imeachtaí comhréitigh agus eadrána i ndáil le conarthaí le tríú páirtithe. Ní chuimsítear caiteachas a tabhaíodh maidir le comhairle ginearálta dlí a fuair an tÚdarás Rialála Seirbhísí Maoine agus a nochtar sna costais Chomhairleoireachta thuas.

	2019	2018
	€	€
Táillí Dlí - imeachtaí dlí	133,070	141,828
Iomlán	133,070	141,828



AN tÚDARÁS RIALÁLA SEIRBHÍSÍ MAOINE

RÁITEAS RIALACHAIS AGUS TUARASCÁIL CHOMHALTAÍ AN BHOIRD

Caiteachas ar Thaisteal agus ar Chothabháil

Déantar caiteachas taistil agus cothabhála a chatagóiriú mar seo a leanas:

	2019	2018
	€	€
In Éirinn		
- An Bord	1,066	217
- Fostaithe	21,753	33,917
Iomlán	22,819	34,134

Caiteachas Fáilteachais


Luaitear caiteachas ar fháilteacht mar seo a leanas sa Chuntas Ioncaim agus Caiteachais:

	2019	2018
	€	€
Fáilteachas an Bhoird	1,100	314
Iomlán	1,100	314


Ráiteas faoi Chúrsaí Comhlíontais

Tá an Cód Cleachtais maidir le Comhlachtaí Stáit a Rialú (2016) glactha ag an Údarás agus tá nósanna imeachta curtha i bhfeidhm chun comhlíontacht leis an gCód a chinntiú. Bhí an tÚdarás Rialála Seirbhísí Maoine ag comhlíonadh go hiomlán leis an gCód Cleachtais chun Comhlachtaí Stáit a Rialú (2016) do 2019.

Thar ceann an Údaráis Rialála Seirbhísí Maoine


 Maeve Hogan Uas., Príomhoffigeach Feidhmiúcháin:

27/11/20.
 Dáta:


 Geraldine Clarke Uas., Cathaoirleach:

27/11/20.
 Dáta:



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Scóip na Freagrachta

Thar ceann an Údaráis Rialála Seirbhísí Maoine, admhaím an fhreagracht atá ar an Údarás a chinntiú go ndéanfar córas éifeachtach rialaithe inmheánaigh a chothabháil agus a fheidhmiú san Údarás. Glactar san áireamh sa fhreagracht seo ceanglais an Chóid Cleachtais chun Comhlachtaí Stáit a Rialú (2016).

Cuspóir an Ráitis ar Rialú Inmheánach

Tá an córas rialála inmheánach leagtha amach chun riosca a bhainistiú a d'fhágfadh an riosca ar leibhéal inseasta seachas a bheith in ann a chur ar neamhní ar fad. Dá bhrí sin, ní féidir leis an gcóras ach deimhniú réasúnta seachas deimhnithe cinnte a thabhairt go bhfuil sócmhainní cosanta, idirbhearta údaraithe agus taifeadta go cuí agus go seachnaítear botúin nó neamhrialtachtaí nó go dtabharfaí faoi deara iad go tráthuíl.

Bhí an córas um rialú inmheánach, atá de réir na teorach a d'eisigh an Roinn Caiteachais Phoiblí agus Athchóirithe, i bhfeidhm san Údarás Rialála Seirbhísí Maoine don bhliain dar críoch an 31 Nollaig 2019 agus suas go dtí an dáta ar ceadaíodh na ráitis airgeadais.

Rialuithe Inmheánacha atá i bhFeidhm

Tá an tÚdarás sásta go bhfuil na córais atá i bhfeidhm aige, réasúnach agus cuí i ndáil le himthosca an Údaráis ag féachaint dá mhéid, leibhéal caiteachais, acmhainní foirne agus cineál a chuid oibríochtaí. Ach mar sin féin, ní thugann na córais agus ní féidir leis na córais, deimhniú iomlán a sholáthar in aghaidh earráidí ábharacha.

Tá an Cód Cleachtais chun Comhlachtaí Stáit a Rialú a d'eisigh an Roinn Caiteachais Phoiblí agus Athchóirithe in 2016 glactha ag an Údarás Rialála Seirbhísí Maoine.

An Acmhainn déileáil le Riosca

Tá Coiste Iniúcháireachta agus Riosca (ARC) ag an Údarás Rialála Seirbhísí Maoine atá comhdhéanta de bheirt chomhaltaí Údaráis agus beirt chomhaltaí seachtracha. I mo Chathaoirleach ar an Údarás, táim sásta gur urscaoil an ARC a ról go héifeachtach le ceithre chruinniú tionólta in 2019.

Tá beartas bainistíochta riosca ina leagtar amach inghlacthacht riosca, na próisis bainistíochta riosca atá i bhfeidhm athbhreithnithe agus comhaontaithe ag an mBord.

Is é an tAonad Iniúchta Inmheánaigh sa Roinn Dlí agus Cirt agus Comhionannais a chomhlíonann feidhm Iniúchta Inmheánaigh an Údaráis Rialála Seirbhísí Maoine faoi fhorghairseacht an Choiste Iniúchta ar Vóta 24 (Dlí agus Ceart agus Comhionannas). Is é ról Aonad Iniúchta Inmheánaigh na Roinne Dlí agus Cirt agus Comhionannais dearbhú neamhspleách a thabhairt don Oifigeach Cuntasaíochta ar éifeachtacht na rialuithe inmheánacha atá i bhfeidhm ar fud an Vóta.

Déanann Aonad Iniúchta Inmheánaigh na Roinne Dlí agus Cirt agus Comhionannais iniúchadh ar rialuithe airgeadais agus ar rialuithe eile san Údarás gach bliain.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Creat Riosca agus Rialaithe

Tá córas bainistíochta riosca curtha i bhfeidhm ag an Údarás Rialála Seirbhísí Maoine a aithníonn agus a thuairiscíonn na príomhrioscaí agus na gníomhartha bainistíochta atá á nglacadh chun dul i ngleic leis na rioscaí sin agus iad a mhaolú a mhéid agus is féidir.

Tá clár rioscaí i bhfeidhm a aithníonn na príomhrioscaí atá le sárú ag an Údarás agus tá siad sin aitheanta, measúnaithe agus grádáil déanta orthu de réir tábhachta. Déanann an Coiste Iniúchóireachta agus Riosca an clár a athbhreithniú agus a thabhairt cothrom le dáta, i gcomhar leis an Ardbhainistíocht. Baintear leas as torthaí na measúnachtaí sin chun acmhainní a phleanáil agus a leithroinnt chun a chinntiú go ndéantar rioscaí a bhainistiú chuig leibhéal inghlactha.

Tugtar mioneolas sa chlár rioscaí ar na bearta rialála agus na gníomhartha eile is gá chun rioscaí a mhaolú agus luaitear an dualgas maidir leis na bearta rialála a dhéanamh le daoine sonracha den lucht foirne. Deimhníonn an tÚdarás go bhfuil timpeallacht rialaithe i bhfeidhm a bhfuil na gnéithe seo a leanas mar chuid de:

- tá doiciméadú déanta ar nósanna imeachta do gach príomhphróiseas ghnó,
- freagrachtaí airgeadais sannta ag leibhéal bainistíochta agus cuntasacht dá réir i gceist,
- tá córas buiséadaithe iomchuí le buiséad bliantúil a bhíonn faoi athbhreithniú ag bainistíocht shinsearach ann,
- tá córais ann atá dírithe ar shlándáil na gcóras Teicneolaíochta Faisnéise agus Cumarsáide a chinntiú, Soláthraíonn Rannán TFC na Roinne Dlí agus Cirt agus Comhionannais seirbhísí TFC don Údarás Rialála Seirbhísí Maoine. I mBealtaine 2019, chuir siad ráiteas dearbhaithe ar fáil inar leagadh amach na próisis rialaithe a bhí i bhfeidhm an tráth sin. Cuireann An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine. Fuarthas doiciméad dearbhaithe ó An Post i bhFeabhra 2020 maidir le slándáil agus rialuithe an chórais de réir mar a bhí i bhfeidhm i rith na bliana 2019. Cuireadh comhaontú leibhéil seirbhíse i bhfeidhm le An Post in 2018.
- tá córais i bhfeidhm chun sócmhainní an Údaráis Rialála Seirbhísí Maoine a chosaint, agus
- tá nósanna imeachta rialaithe ann maidir le measúnú agus íocaíochtaí as an gciste cúitimh.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Monatóireacht agus Athbhreithniú Leanúnach

Tá Doiciméad Rialaithe Inmheánaigh i bhfeidhm ag an Údarás Rialála Seirbhísí Maoine, ar doiciméad é ina saináithnítear na rioscaí don Údarás, na rialuithe atá i bhfeidhm agus na nósanna imeachta tuairiscithe agus faireacháin.

Déanann an tÚdarás na mórchinntí straitéiseacha agus tagann sé le chéile ag eatraimh tráthrialta chun faireachán a dhéanamh ar fheidhmíocht agus ar phleananna. Ní ghníomhaíonn an lucht bainistíochta feidhmiúcháin ach de réir an údaráis a tharmligeann an tÚdarás chucu chun éifeacht a thabhairt do bheartais agus do chinntí an Údaráis.

Rinneadh lámhleabhar mionsonraithe nós imeachta a ullmhú agus a chur i bhfeidhm. Nuair is féidir, déantar dualgais foirne a dheighilt go cuí agus na rioscaí atá ann an líon teoranta foirne á gcur san áireamh.

Deimhním go bhfuil na córais faireacháin leanúnaigh seo a leanas i bhfeidhm:

Saináithníodh príomhrioscaí agus príomhrialuithe agus cuireadh próisis i bhfeidhm chun faireachán a dhéanamh ar oibriú na bpríomhrialuithe sin agus chun aon easnaimh a thuairisciú,

- Tá nósanna imeachta foirmiúla ann maidir le gach cineál earra agus seirbhís a cheannach, maidir le sonraisc a cheadú i ndáil le hearraí agus seirbhísí agus maidir le híocaíocht a údarú i ndáil le hearraí agus seirbhísí. Neartaíodh nósanna imeachta ina leith sin le linn na bliana trí mholtaí a tháinig as an tuarascáil iniúchta inmheánaigh a chur chun feidhme.
- Déanann an Príomhoifigeach Feidhmiúcháin athbhreithnithe go tráthrialta ar thuarascálacha tréimhsiúla agus bliantúla feidhmíochta agus airgeadais ina gcuirtear an fheidhmíocht i gcomparáid le buiséid/réamhaisnéisí.
- Tagann nósanna imeachta an Údaráis maidir le rialú airgeadais agus rialuithe eile faoi réir athbhreithniú bliantúil ag an Aonad Iniúchta Inmheánaigh sa Roinn Dlí agus Cirt agus Comhionannais. Déanann Coiste Iniúchta na Roinne Dlí agus Cirt agus Comhionannais athbhreithniú ar obair an Aonaid Iniúchta Inmheánaigh.
- Tá socruithe tuairiscithe bunaithe ag gach leibhéal ina bhfuil freagracht i leith bainistíocht airgeadais sannta.

Dearbhuithe

Teicneolaíochtaí Faisnéise agus Cumarsáide

Baineann an tÚdarás Rialála Seirbhísí Maoine leas as an tseirbhís chomhroinnte tacaíochta TFC a chuireann an Roinn Dlí agus Cirt agus Comhionannais ar fáil. Tá Comhaontú Leibhéal Seirbhíse ann leis an Roinn i ndáil leis an tseirbhís TFC agus tá socruithe i bhfeidhm chun cúlta a ullmhú i leith chórais ÚRSM. Rinneadh athbhreithniú neamhspleách ar an tseirbhís in 2019; agus tá an tÚdarás Rialála Seirbhísí Maoine ag dul i ngleic leis na moltaí atá faighte. Chuir IM&T na Roinne Dlí agus Cirt agus Comhionannais doiciméad dearbhaithe ar fáil maidir leis na rialuithe a bhí ann sa bhliain 2019.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Cuireann An Post córas iarratais ceadúnais ar líne ar fáil trí Licences.ie thar ceann an Údaráis Rialála Seirbhísí Maoine. Mar thoradh ar an gcóras ar líne sin tá feabhas mór curtha ar éifeachtúlacht agus ar éifeachtacht an phróiseas athnuachana ceadúnais agus tá sé beartaithe tuilleadh forbairtí a dhéanamh. Fuarthas doiciméad dearbhaithe ó An Post maidir le slándáil agus rialuithe an chórais atá ann. Cuireadh comhaontú leibhéil seirbhíse i bhfeidhm le An Post in 2018.

Seirbhísí Airgeadais Comhroinnte

Baineann an tÚdarás Rialála Seirbhísí Maoine leas as na seirbhísí comhroinnte airgeadais a chuireann an Roinn Dlí agus Cirt agus Comhionannais ar fáil. Fuarthas litir dearbhaithe ón Roinn Dlí agus Cirt agus Comhionannais maidir le rialuithe i dtaca le soláthar seirbhísí comhroinnte.

Ina theannta sin, baineann an tÚdarás Rialála Seirbhísí Maoine leas as seirbhísí comhroinnte de chuid an Ionaid Seirbhísí Comhroinnte Párolla (PSSC) atá á riar ag an Roinn Caiteachais Phoiblí agus Athchóirithe. Tá an tseirbhís sin cumhdaithe faoi Chomhaontú Leibhéil Seirbhíse atá ann idir an PSSC agus an Roinn.

Soláthar

Deimhním go bhfuil nósanna imeachta curtha i bhfeidhm ag an Údarás Rialála Seirbhísí Maoine chun a chinntiú go gcomhlíontar na rialacha agus na treoirlínte reatha maidir le soláthar agus gur chomhlíon an tÚdarás Rialála Seirbhísí Maoine na nósanna imeachta sin sa bhliain 2019.

Athbhreithniú ar Éifeachtacht

Deimhním go bhfuil nósanna imeachta i bhfeidhm ag an Údarás Rialála Seirbhísí Maoine chun monatóireacht a dhéanamh ar éifeachtacht na nósanna imeachta bainistíochta riosca agus rialaithe. Maidir le hobair an Údaráis Rialála Seirbhísí Maoine i ndáil le faireachán agus athbhreithniú ar an gcóras rialaithe iniúchta inmheánaigh, tá sé bunaithe ar obair na n-iniúcháirí inmheánacha agus na n-iniúcháirí seachtracha, ar obair an Coiste Iniúchta agus Riosca a dhéanann formhaoirseacht ar obair na n-iniúcháirí sin agus ar obair an lucht bainistíochta sinsearaí laistigh den Údarás Rialála Seirbhísí Maoine atá freagrach i ndáil leis an gceat rialaithe inmheánaigh airgeadais a fhorbairt agus a chothabháil.

Deimhním gur thug an tÚdarás faoi athbhreithniú bliantúil ar éifeachtacht na rialuithe inmheánacha don bhliain 2019. Tá an tÚdarás sásta, a mhéid is indéanta, gur córais éifeachtacha iad na córais rialaithe inmheánaigh airgeadais a bunaíodh agus a cuireadh chun feidhme san Údarás Rialála Seirbhísí Maoine don bhliain airgeadais dar críoch an 31 Nollaig 2019.



AN tÚDARÁS RIALÁLA SEIRBHÍSÍ MAOINE

RÁITEAS AR RIALÚ INMHEÁNACH

Saincheisteanna Rialaithe Inmheánaigh

Nochtadh Mionsonraí faoi Chásanna inar tharla Sáruithe ar Rialú.

Níor sainaithníodh aon laigí sa bhliain 2019 maidir le rialuithe inmheánacha ar laigí iad ar gá nochtadh a dhéanamh ina leith sna ráitis airgeadais.

Nochtadh Mionsonraí faoi Chailleanais Ábhartha nó faoi Chalaois

Níl aon ábhair chalaoise le tuairisciú don bhliain 2019.

Geraldine Clarke
Cathaoirleach



AN tÚDARÁS RIALÁLA SEIRBHÍSÍ MAOINE

DEIMHNIÚ AN ARD-REACHTAIRE CUNTAS AGUS CISTE



An tArd Reachtair Cuntas agus Ciste An tArd-Reachtair Cuntas agus Ciste

Tuarascáil le cur faoi bhráid Thithe an Oireachtais Údarás Rialála Seirbhísí Maoine

Tuairim ar na ráitis airgeadais

Rinne mé iniúchadh ar ráitis airgeadais an Údaráis Rialála Seirbhísí Maoine don bhliain dar críoch an 31 Nollaig 2019 faoi réir fhorálacha alt 22 den Acht um Sheirbhísí Maoine (Rialáil), 2011. Tá na ráitis airgeadais comhdhéanta de

- ráiteas ar ioncam agus ar chaiteachas agus ar chúlchistí coinnithe ioncaim
- an ráiteas ar an staid airgeadais
- an ráiteas maidir le sreabhadh airgid agus
- na nótaí gaolmhara, lena n-áirítear achoimre ar na beartais chuntasaíochta shuntasacha.

Is é mo thuairim,

- go dtugann na ráitis airgeadais léargas ceart ar airgead a fuair nó a chaith an tÚdarás Rialála Seirbhísí Maoine do 2019 agus
- ar an staid airgeadais amhail an 31 Nollaig 2019 de réir de réir na mbeartais chuntasaíochta atá leagtha amach sna ráitis airgeadais.

An bonn atá leis an tuairim

Thug mé faoi m'iniúchadh ar na ráitis airgeadais de réir Chaighdeáin Idirnáisiúnta Iniúcháireachta (ISAnna) faoi mar atá fógartha ag Eagraíocht Idirnáisiúnta na nInstitiúidí Náisiúnta Iniúcháireachta. Déantar cur síos ar na freagrachtaí atá orm faoi na caighdeáin sin i bhfoscscríbhinn na tuarascála seo. Táim neamhspleách ar an Údarás Rialála Seirbhísí Maoine agus tá mo chuid freagrachtaí eiticíúla eile comhlíonta agam de réir na gcaighdeán.

Measaim go bhfuil an fhianaise iniúchta atá aimsithe agam leordhóthanach agus ábhartha chun bunús a chur le mo thuairim.

Tuairisc ar nithe eile seachas na ráitis airgeadais agus ar nithe eile

Tá faisnéis áirithe eile chomh maith leis na ráitis airgeadais curtha i láthair ag an Údarás Rialála Seirbhísí Maoine. Cuimsítear leis sin an ráiteas rialachais agus an ráiteas maidir le rialú inmheánach. Déantar cur síos ar na freagrachtaí atá orm maidir le tuairisc a thabhairt ar an eolas sin, agus ar ábhair áirithe eile lena dtuairiscím trí eisceacht, i bhfoscscríbhinn na tuarascála seo.

Níl tuairisc ar bith le tabhairt agam ina leith sin.

Colette Drinan
Do agus thar ceann
An tArd-Reachtair Cuntas agus Ciste

30 Samhain 2020



Aguisín a ghabhann leis an tuarascáil

Freagrachtaí an Údaráis

Leagtar amach freagrachtaí chomhaltaí an Údaráis sa ráiteas rialachais agus i dtuarascáil chomhaltaí an Údaráis. Tá comhaltaí an Údaráis freagrach as

- ráitis airgeadais a ullmhú ar an mbealach a fhorordaítear faoi alt 22 den Acht um Sheirbhísí Maoine (Rialáil), 2011
- a chinntiú go dtugann na ráitis airgeadais léargas ceart ar airgead a fuarthas nó a caitheadh do 2019, agus an staid airgeadais amháil an 31 Nollaig 2019 de réir na mbeartas cuntasáiochta atá leagtha amach sna ráitis airgeadais
- oiriúnacht úsáid a bhaint as bonn cuntasáiochta an ghnóthais leantaigh a mheas, agus
- rialú inmheánach dá leithéid a chinneann siad atá riachtanach d'fhonn ráitis airgeadais a ullmhú atá saor ó mhíráiteas ábhartha, cibé mar thoradh ar chalaos nó earráid.

Freagrachtaí an Ard-Reachtair Cuntas agus Ciste

Éilítear orm faoi alt 22 den Acht ráitis airgeadais an Údaráis Rialála Seirbhísí Maoine a iniúchadh agus tuairisciú ina leith chuig Tithe an Oireachtais.

Is é an cuspóir atá agam agus an t-iniúchadh á chur i gcrích agam ná teacht ar dhearbhu réasúnach ar cibé an bhfuil na ráitis airgeadais tríd is tríd saor ó aon mhíráiteas ábhartha mar thoradh ar chalaos nó earráid. Is ionann dearbhú réasúnach agus leibhéal ard dearbhaithe ach ní hionann é is barántas go dtiocfar i gcónaí, le linn iniúchadh a dtugtar faoi de réir na ISAnna ar mhíráiteas ábhartha nuair is ann dóibh. D'fhéadfadh míráiteas eascairt ó chalaos nó ó earráid agus meastar iad a bheith ábhartha má tá ionchas réasúnach ann go n-imreoidh siad, astu féin nó le chéile, tionchar ar chinntí eacnamaíochta úsáideoirí a dhéantar bunaithe ar na ráitis airgeadais seo.

Mar chuid d'iniúchadh de réir na ISAnna, cuirim breithiúnas gairmiúil i bhfeidhm agus cloím le sceipteachas gairmiúil i rith an iniúchta. Lena linn sin déanaim,

- Na rioscaí a bhaineann le míráiteas ábhartha ar na ráitis airgeadais, cibé acu atá sé mar thoradh ar chalaos nó earráid a shainaithint agus a mheas; nósanna imeachta iniúchta a leagan amach agus a chur i gcrích atá freagrúil do na rioscaí sin; fianaise iniúcháireachta a fháil atá leordhóthanach agus ábhartha chun bonn a chur faoi mo thuairim. Tá riosca níos mó ann nach dtiocfar ar mhíráiteas ábhartha mar gheall ar chalaos seachas mar gheall ar earráid, ós rud é go bhféadfadh claonpháirteachas, brionnú, easnaimh d'aon turas, mífhaisnéis nó rialú inmheánach a shárú a bheith i gceist.
- Tuiscint a fháil ar rialú inmheánach a bhaineann leis an iniúchadh d'fhonn nósanna imeachta iniúchta a leagan amach atá oiriúnach sna himthosca, ach gan chun críche tuairim a chur in iúl maidir le héifeachtúlacht na rialuithe inmheánacha.
- Oiriúnacht na mbeartas cuntasáiochta a úsáidtear agus réasúnacht na meastachán cuntasáiochta agus na nochtuithe ábhartha a mheas.
- Oiriúnacht maidir le húsáid a bhaint as bonn cuntasáiochta a chinneadh, bunaithe ar an bhfianaise iniúcháireachta a fuarthas, maidir le cibé acu a bhfuil éiginnteacht ábhartha ann nó nach bhfuil a bhaineann le

himeachtaí nó coinníollacha a d'fhéadfadh

amhras suntasach a chaitheamh ar chumas an Údaráis Rialála Seirbhísí Maoine leanúint mar ghnóthas leantach. Má chinnim go bhfuil éiginnteacht ábhartha ann, tá sé de cheanglas orm aird a tharraingt i mo thuarascáil ar na nochtuithe ábhartha atá sna ráitis airgeadais, nó mura leor nochtuithe dá leithéid, mo thuairim a mhionathrú. Tá mo chonclúidí bunaithe ar an bhfianaise iniúcháireachta a fuarthas suas go dtí dáta mo thuarascála. Ach mar sin féin, d'fhéadfadh imeachtaí nó coinníollacha amach anseo a bheith mar chúis leis an Údarás Rialála Seirbhísí Maoine scor de bheith ag feidhmiú mar ghnóthas leantach.

- Cur i láthair, struchtúr agus ábhar ginearálta na ráiteas airgeadais a mheas, lena n-áirítear nochtuithe, agus cibé an léiríonn nó nach léiríonn na ráitis airgeadais na hidirbhearta bunúsacha agus na himeachtaí ar bhealach trína mbaintear amach cur i láthair atá cothrom.

Déanaim teagmháil leosan a leagtar de chúram orthu rialachas maidir le – i measc ábhair eile – scóip agus tráthúlacht an iniúchta agus fionnachtana suntasacha an iniúchta, lena n-áirítear aon easnaimh shuntasacha sa rialú inmheánach a shainaithníim le linn m'iniúchta.

Faisnéis seachas na ráitis airgeadais

Ní bhaineann mo thuairim a thugaim ar na ráitis airgeadais le haon fhaisnéis eile a ndéantar a chur i láthair sna ráitis sin, agus ní thugaim aon deimhniú conclúideach de chineál ar bith ina leith.

Maidir le m'iniúchadh ar na ráitis airgeadais, tá sé de cheanglas orm faoi na ISAnna an fhaisnéis eile a chuirtear i láthair a léamh agus lena linn sin a bhreithniú cibé an bhfuil an fhaisnéis eile ag teacht go hábhartha leis na ráitis airgeadais nó le heolas a fuarthas le linn an iniúchta nó sin an léir go bhfuil míráiteas ábhartha i gceist. Má shocraim, bunaithe ar an obair atá déanta agam, go bhfuil míráiteas ábhartha i gceist san fhaisnéis eile seo, éilítear orm tuairisciú ina leith sin.

Tuairisciú ar ábhair eile

Déanaim m'iniúchadh trí thagairt a dhéanamh do bhreithnithe speisialta a ghabhann le comhlachtaí Stáit maidir lena mbainistíocht agus lena n-oibriocht. Tuairiscím má fhaighim nithe ábhartha ann a bhaineann leis an tsli a ndearnadh gnó poiblí.

Lorgaim fianaise faoi rialtacht na n-idirbheart airgeadais le linn an iniúchta. Tuairiscím ar aon chás ábhartha nach bhfeidhmítear airgead poiblí chun na gcríoch dá bhfuil sé beartaithe, nó sa chás nach mbíonn na hidirbhearta ag teacht leis na húdaráis a dhéanann rialú orthu.

Tuairiscím trí eisceacht chomh maith más rud é, de réir mo thuairime,

- nach bhfaighim an fhaisnéis agus na mínithe go léir a theastaíonn uaim chun m'iniúchadh a dhéanamh, nó
- nach raibh taifid chuntasáiochta leordhóthanach ann chun go bhféadfaí na ráitis airgeadais a iniúchadh go hiomchuí agus go réidh, nó
- nach bhfuil na ráitis airgeadais ag teacht leis na taifid chuntasáiochta.




AN tÚDARÁS RIALÁLA SEIRBHÍSÍ MAOINE


RÁITEAS MAIDIR LE hIONCAM AGUS CAITEACHAS AGUS CÚLCHISTÍ
IONCAIM COINNITHE DON bhLIAIN DAR CRÍOCH AN 31 NOLLAIG 2019


Ioncam	Nótaí	2019 €	2018 €
Deontas Oireachtais	2	2,558,359	1,976,921
Acmhainní dílse	3	2,298,568	2,306,882
Teacht Isteach Iomlán		4,856,927	4,283,803
Caiteachas			
Costais foirne	4	1,470,059	1,326,129
Riarachán, Oibríochtaí agus cur chun cinn	5	1,113,273	676,116
Táille iniúchta		12,600	11,500
Dímheas	6	68,333	56,021
Caiteachas iomlán		2,664,265	2,069,766
Barrachas don bliain roimh leithreasuithe		2,192,662	2,214,037
Aistriú ón gCuntas Caipitil	7	68,333	56,021
Curtha ar ais chuig an Roinn Dlí agus Cirt agus Comhionannais	1(b)	(2,250,000)	(2,250,000)
Barrachas don bhliain tar éis leithreasuithe		10,995	20,058
Barrachas a tugadh ar aghaidh amhail ar 1 Eanáir		94,409	74,351
Barrachas a tugadh ar aghaidh amhail an 31 Nollaig		105,404	94,409


Áirítear gnóthachain agus cailteanais a aithníodh sa bhliain sa Ráiteas maidir le hIoncam agus Caiteachas agus Cúlchistí Ioncaim Coinnithe. Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine


Maeve Hogan Uas., Príomhoffigeach Feidhmiúcháin:


Dáta:


Geraldine Clarke Uas., Cathaoirleach:


Dáta:





AN tÚDARÁS RIALÁLA SEIRBHÍSÍ MAOINE
RÁITEAS MAIDIR LEIS AN STAID AIRGEADAIS
AMHAIL AN 31 Nollaig 2019


	Nótaí	2019 €	2018 €
Sócmhainní Seasta			
Maoin innealra agus trealamh	6	180,459	232,616
Sócmhainní reatha			
Airgead tirim agus coibhéisí airgid tirim		123,433	112,285
Fardail	8	26,928	16,172
Féichiúnaithe agus réamhíocaíochtaí	9	19,216	30,646
		169,577	159,103
Dlíteanais reatha			
Suimeanna Iníoctha agus fabhrúithe	10	64,173	64,694
Glansócmhainní reatha		105,404	94,409
Glansócmhainní Iomlána		285,863	327,025
A Ionadaíonn do			
Cuntas Caipitil	7	180,459	232,616
Cúlchistí ioncaim coinnithe		105,404	94,409
		285,863	327,025


Is cuid dhílis de na ráitis airgeadais seo iad an Ráiteas maidir le Sreabhadh Airgid agus na nótaí 1 go dtí 15.

Thar ceann an Údaráis Rialála Seirbhísí Maoine


 Maeve Hogan Uas., Príomhoffigeach Feidhmiúcháin:


 Dáta:


 Geraldine Clarke Uas., Cathaoirleach:


 Dáta:




AN tÚDARÁS RIALÁLA SEIRBHÍSÍ MAOINE
RÁITEAS MAIDIR LE SREABHADH AIRGID
DON BHLIAIN DAR CRÍOCH AN 31 NOLLAIG 2019

Glan-sreabhadh airgid ó Ghníomhaíochtaí Oibriúcháin	2019	2018
	€	€
Barrachas Oibriúcháin don bhliain	10,995	20,058
Dímheas ar mhaoín, fearas agus trealamh	68,333	56,021
Glanaistriú chuig cuntas caipitil	(56,247)	(732)
Laghdú/ (Méadú) ar fhardail	(10,756)	3,977
(Ardú)/ Laghdú ar infháltais agus réamhíocaíochtaí	11,430	(3,033)
Laghdú ar shuimeanna iníoctha agus fabhrúithe	(521)	1,331
	<hr/>	<hr/>
Insreabhadh airgid nua ó Ghníomhaíochtaí Oibriúcháin	23,234	77,622
Sreabhadh airgid ó ghníomhaíochtaí infheistíochta		
Íocaíochtaí chun maoín, fearas agus trealamh a fháil	(12,086)	(55,289)
Méadú ar Airgead tirim agus coibhéisí Airgid thirim	11,148	22,333
	<hr/> <hr/>	<hr/> <hr/>

Ráiteas maidir le hathruithe i nglanchistí

Glanchistí amhail an 1 Eanáir 2019	112,285	89,952
Glanchistí amhail an 31 Nollaig 2019	123,433	112,285
Glan-Bharrachas ar airgead tirim agus coibhéis airgid thirim	11,148	22,333
	<hr/> <hr/>	<hr/> <hr/>

Thar ceann an Údaráis Rialála Seirbhísí Maoine



Maeve Hogan Uas., Príomhordóir Feidhmiúcháin:

Dáta:

27/11/20.



Geraldine Clarke Uas., Cathaoirleach:

Dáta:

27/11/20.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2019

1. Beartais Chuntasaíochta

a) Tá an bunús cuntasaíochta agus na beartais cuntasaíochta shuntasacha atá glactha ag an Údarás Rialála Seirbhísí Maoine leagtha amach thíos. Cuireadh i bhfeidhm go seasta iad i rith na bliana agus sa bhliain roimhe sin.

b) Faisnéis Ghinearálta

Bunaíodh an tÚdarás Rialála Seirbhísí Maoine faoin Acht um Sheirbhísí Maoine (Rialáil), 2011. Tá an cheannoifig lonnaithe ag Foirgnimh na Mainistreach, Bóthar na Mainistreach, An Uaimh, Co. Na Mí, C15 K7PY. Is iad a leanas príomhchuspóirí an Údaráis Rialála Seirbhísí Maoine mar a leagtar amach in Alt 11 den Acht um Sheirbhísí Maoine (Rialáil), 2011:

- Ceadúnais a eisiúint agus a athnuachan;
- Clár Ceadúnaithe a bhunú agus a chothabháil;
- Riachtanais cáilitheachta agus riachtanais eile a shonrú agus a fhorfheidhmiú
- Caighdeáin lena n-áirítear caighdeáin theicniúla agus caighdeáin eiticiúla chuí a shonrú agus a fhorfheidhmiú;
- An Ciste a bhunú, a chothabháil agus a riar;
- Córas a bhunú agus a riar chun imscrúdú a dhéanamh ar cheadúnaithe;
- Mion-smachtbhannaí nó mór-smachtbhannaí a fhorchur ar cheadúnaithe;
- Iarratas a dhéanamh chuig an Ard-Chúirt chun mór-smachtbhannaí a fhorchur ar cheadúnaithe a dheimhniú;
- Feasacht an phobail a chur chun cinn agus faisnéis a scaipeadh ar an bpobal i ndáil le seirbhísí maoine;
- Forbairt agus glacadh Cóid Chleachtais a chur chun cinn;
- An tAire a choinneáil ar an eolas faoi fhorbairtí maidir le ceadúnaithe a bheith ag soláthar seirbhísí maoine ag ceadúnaithe agus cuidiú leis an Aire beartas a chomhordú agus a fhorbairt ina leith sin;
- Sonraí maidir le praghsanna díola maoine cónaithe a chothabháil agus a fhoilsiú;
- An Bunachar Sonraí Léasanna Tráchtála a bhunú agus a chothabháil; agus
- Aon fheidhmeanna eile tugtha dó ag aon fhoráil den Acht nó in aon achtachán eile nó ag rialacháin a ndéantar faoin Acht nó aon achtachán eile a chomhlíonadh.

Is Eintiteas Leasa Phoiblí (PBE) é an tÚdarás Rialála Seirbhísí Maoine.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2019

Déantar na táillí ceadúnas a ghineann an tÚdarás a íoc isteach sa Státchiste agus ansin déanann an Státchiste foráil airgeadais don Údarás. Deirtear in Alt 25(3) den Acht go mbeidh an méid iomlán de na táillí a ghearrtar go bliantúil faoin Acht seo, ag leibhéal chomh gar agus is féidir, ag cur bliain amháin le bliain eile, ionann leis an gcaiteachas iomlán a thabhaítear go bliantúil i ndáil leis an Acht seo a riar. In 2019, d'íoc an tÚdarás €2,250,000 ar an Státchiste agus fuair sé foráil airgeadais €2,570,445 (féach nóta 2)

Ceanglaítear faoi Alt 77(1) den Acht ar an Údarás ciste ar a dtugtar an Ciste Cúitimh um Sheirbhísí Maoine a bhunú, a riar agus a chothabháil. Ullmhaítear agus iniúchtar cuntais an Chiste ar leithligh de réir sceidil 6 den Acht.

c) **Bunús na cuntasáiochta**

Ullmhaíodh ráitis airgeadais Chiste Cúitimh um Sheirbhísí Maoine don bhliain dar críoch an 31 Nollaig 2019 de réir na mbeartas cuntasáiochta a leagtar amach thíos, agus san foirm a fhaomhfaidh an tAire Dlí agus Cirt agus Comhionannais le toiliú ón Aire Caiteachais Phoiblí agus Athchóirithe.

d) **Ioncam**

Ioncam a aithnítear sna ráitis airgeadais faoi dheontas Oireachtais arbh ionann é agus maoiniú a cuireadh ar fáil don Údarás trí Vóta na Roinne Dlí agus Cirt agus Comhionannais a dhéanann gach íocaíocht thar ceann an Údaráis. Meaitseálann ioncam deontais an Oireachtais agus ioncam a cuireadh i bhfeidhm maidir le caiteachas caipitil an tsuim a chuirtear in aghaidh chuntais leithreasa na Roinne.

Déantar an t-ioncam ón táille ceadúnais a áireamh ar iarratas ceadúnais a fháil. Cuirtear ioncam ó tháillí ceadúnais ar ais chuig an Roinn Dlí agus Cirt agus Comhionannais. Déantar é a thairfeadh mar leithreasáí i gcabhair i gcuntais de chuid na Roinne. Coinníonn an tÚdarás iarmhéid ina chuid cuntas chun táillí a aisíoc.

e) **Caiteachas**

Déanann an Roinn Caiteachais Phoiblí agus Athchóirithe próiseáil ar chaiteachas ar fad lena n-áirítear párolla agus taifeadtar ar bhonn fabhrúithe é sna ráitis airgeadais.

Tá gach ball d'fhoireann an Údaráis ar iasacht ón Roinn Dlí agus Cirt agus Comhionannais. Déanfar dliteanas pinsin d'fhoireann den sórt sin a sheasamh as Vóta 12 Aoisliúntas agus níl aon fhoráil déanta i ndáil leis na costais seo sna ráitis airgeadais.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS DON BHLIAIN DAR CRÍOCH AN 31 NOLLAIG 2019

f) **Maoin, Innealra agus Trealamh**

Léirítear maoin, innealra agus trealamh ar an nglanluach leabhair ar dháta an aistrithe chuig an Údarás.

Déantar dímhéas ar mhaoin, innealra agus trealamh ar bhonn líne dírí thar a saol úsáideach measta ag tosú sa chéad mhí a gcuirtear an tsócmhainn i bhfeidhm.

Troscán	10% de réir na Líne Dírí
Crua-earraí agus Bogearraí TF	20% de réir na Líne Dírí
Trealamh Oifige	20% de réir na Líne Dírí

g) **Fardail**

Aithnítear fardail atá comhdhéanta d'earraí nach bhfuil le hathdhíol ag an gcostas is ísle de chostas agus an glanluach inréadaithe (NRV). Déantar costas a ríomh ar bhonn is tuisce isteach is tuisce amach (FIFO) agus áirítear gach costas ceannaigh. Is é NRV an praghas díola (iarmhír nó measta) lúide gach costas breise riachtanach lena thabhairt chun críche.

h) **Cuntas Caipitil**

Is ionann an cuntas caipitil agus an luach ioncaim neamhamúchta a úsáidtear do chaiteachas caipitil.

i) **Sochair d'Fhostaithe**

Sochair Ghearrthéarmacha

Aithnítear sochair ghearrthéarmacha, mar saoire le pá mar chostas sa bhliain, agus áirítear sochair a thabhaítear ag deireadh na bliana sa bhfigiúr 'caiteachas' sa Ráiteas maidir le Staid Airgeadais.

Sochair Scoir

Is státseirbhísigh iad fostaithe an Údaráis Rialála Seirbhísí Maoine agus tá siad ina gcomhaltaí de scéim sochair shainithe neamh-mhaoinithe agus déanann an Roinn Caiteachais Phoiblí agus Athchóirithe an scéim a riaradh.

Rinneadh dlí d'Acht na Seirbhíse Poiblí (Scéim Aonair agus Forálacha eile) 2012 an 28 Iúil 2012 agus leis sin tugadh isteach an Scéim Pinsean Seirbhíse Poiblí Aonair ('An Scéim Aonair') a tháinig i bhfeidhm an 01 Eanáir 2013. Tá gach ball foirne den Údarás Rialála Seirbhísí Maoine, a bheadh ag obair san earnáil phoiblí den chéad uair, ar nó i ndiaidh an 01 Eanáir 2013 ina chomhalta ar an Scéim Aonair.

Níl aon mhuirear sna ráitis airgeadais d'aon dliteanas a d'fhéadfadh eascairt as sochair scoir an Údaráis Rialála Seirbhísí Maoine.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

2 Deontas Oireachtais	2019	2018
	€	€
Fo-mhírcheann A11 de Vóta 24 - Dlí agus Ceart agus Comhionannas.	2,558,359	1,976,921

Chomh maith le Deontas an Oireachtais cuireadh suim €12,086 ar fáil don Údarás do chaiteachas caipitil ar cheadúnúcháin a chur chun feidhme ar líne.

3 Acmhainní Dílse	2019	2019	2018
	€	€	€
Ioncam faighte ó tháillí ceadúnais	2,362,854		2,363,585
Lúide aisíocaíochtaí	<u>(75,000)</u>	2,287,854	(61,703)
Ioncam Ilchineálach		<u>10,714</u>	<u>5,000</u>
Teacht Isteach			
Iomlán		<u>2,298,568</u>	<u>2,306,882</u>

Ní mór do Cheantálaithe, gníomhairí eastáit, gníomhairí ligin agus gníomhairí bainistíochta a bheith ceadúnaithe agus rialáilte ag an Údarás. Tá táillí ceadúnais le híoc gach bliain. Rinne an tÚdarás Rialála Seirbhísí Maoine i bhfeidhmiú na gcumhachtaí a tugadh dó faoi alt 95 den Acht um Sheirbhísí Maoine (Rialáil), 2011 le toiliú ón Aire Dlí agus Cirt agus Comhionannais rialacháin a tháinig i bhfeidhm an 30 Bealtaine 2012. San Acht um Sheirbhísí Maoine (Rialáil), 2011 (Ceadúnúchán) Rialacháin 2012 leagtar amach an táille a bhaineann le ceadúnas a eisiúint nó a athnuachan: fostóir seirbhísí maoine €1,000, conraitheoir neamhspleách €1,000 agus príomhoifigeach nó fostaí €100.

4 Tuarastail

(a) Sochar Comhiomlán d'Fhostaithe

	2019	2018
	€	€
Pá agus tuarastail	1,447,240	1,291,995
Taisteal agus cothabháil	<u>22,819</u>	<u>34,134</u>
Iomlán	<u>1,470,059</u>	<u>1,326,129</u>



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

D'fhostaigh an tÚdarás 29.8 ball foirne buana coibhéis lánaimseartha in 2019 (2018: 26.9) and 6 ball foirne shealadacha in 2019 (2018: 6).

Ní raibh aon ró-íocaíochtaí ann amhail an 31 Nollaig 2019 ná an 31 Nollaig 2018.

Miondealú ar Shochair

(b) d'Fhostaithe

Raon de Shochair d'Fhostaithe

Iomlána

Ó	Go	Líon na bhFostaithe	
		2019	2018
€60,000 - €69,999		1	1
€70,000 - €79,999		1	1
€80,000 - €89,999		-	-
€90,000 - €99,999		-	1
€100,000 - €109,999		1	-

Tabhair ar Aird: Chun críocha an nocht seo, áirítear sochair ghearrthéarmacha fostaithe maidir le seirbhísí a soláthraíodh le linn na tréimhse tuairiscithe, liúntais ragoibre agus íocaíochtaí eile déanta thar ceann an fhostaí ach ní áirítear ÁSPC an fhostóra.

(c) Luach saothair an Phríomhfheidhmeannaigh

Ba €100,697 (€94,705 in 2018) luach saothair an Phríomhfheidhmeannaigh don bhliain dar críoch an 31 Nollaig 2019. Rinneadh íocaíochtaí Taistil agus Cothabhála €3,897 (€7,681 in 2018) leis an bPríomhfheidhmeannach i gcomhréir le rátaí na Státseirbhíse.

Ní théann teidlíochtaí pinsin an Phríomhfheidhmeannaigh thar na teidlíochtaí caighdeánacha i scéim aoisliúntais shainithe na hearnála poiblí. Ní dhearnadh aon íocaíochtaí i gcoibhneas le feidhmíocht ar an bPríomhfheidhmeannach in 2019.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

5 Riarachán, Oibríochtaí agus Cur chun cinn

	2019	2018
	€	€
Táillí Chomhaltaí an Bhoird ¹	50,873	50,873
Postas agus teileachumarsáid	59,092	99,671
Innealra oifige agus soláthairtí eile oifige	101,618	60,240
Glantachán oifige agus cothabháil	39,182	10,097
Solas agus Teas	11,816	11,817
Táillí dlí	169,358	164,747
Margaíocht agus Cur Chun Cinn	180,806	64,614
Táillí Fiosrúcháin	336,266	142,224
Táillí bainc agus ceadúnúcháin	37,502	34,549
Foilseacháin agus Tuarascálacha	33,272	1,266
Costais ghinearálta	78,033	28,564
Táillí cuntasáíochta	15,455	7,454
	1,113,273	676,116

Tabhair ar Aird: ¹Bunaíodh an tÚdarás Rialála Seirbhísí Maoine an 3 Aibreán 2012. Áirítear miondealú ar na táillí a íocadh ar chomhaltaí boird aonair in 2019 sa ráiteas rialachais ar na ráitis airgeadais seo.



AN tÚDARÁS RIALÁLA SEIRBHÍSÍ MAOINE

NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

6 Maoin, Innealra agus Trealamh

	TF	Trealamh Oifige	Troscán	Iomlán
	€	€	€	€
Costas				
Amhail an 1 Eanáir 2019	353,516	2,950	17,624	374,090
Suimeanna Breise	10,946	1,140	-	12,086
Gluaiseachtaí Eile ¹	(15,537)	27,753	7,701	19,917
Amhail an 31 Nollaig 2019	348,925	31,843	25,325	406,093
Dímheas Carntha				
Amhail an 1 Eanáir 2019	131,160	2,950	7,364	141,474
Gearrtha le linn na bliana	66,734	-	1,599	68,333
Gluaiseachtaí Eile ¹	(19,493)	27,753	7,567	15,827
Amhail an 31 Nollaig 2019	178,401	30,703	16,530	225,634
Leabharluach Glan				
Amhail an 31 Nollaig 2019	170,524	1,140	8,795	180,459
Amhail an 31 Nollaig 2018	222,356	-	10,260	232,616

Tabhair ar Aird: ¹I ndiaidh athbhreithniú ar innealra, maoin, trealamh ar fad ar íoc an PSRA astu éilítear coigeartú €20,121 ar an bhfigiúr costas amhail an 31 Nollaig 2018 agus éilítear coigeartú €20,121 ar an bhfigiúr dímheas carntha amhail an 31 Nollaig 2018. Rinneadh an méid seo chun léargas níos cruinne a thabhairt ar na sócmhainní a d'íoc an PSRA astu a shealbhaíonn sé ag deireadh na bliana.

Chomh maith leis sin, is féidir leis an PSRA úsáid a bhaint i gcónaí as 106 sócmhainn innealra agus trealamh a bhfuil glanluach leabhair €16,562 acu an 31 Nollaig 2019 atá íoctha ag an Roinn Dlí agus Cirt agus Comhionannais agus iad luaite mar shócmhainní ina gcuntas leithreasa.

7 Cuntas Caipitil

	2019	2018
	€	€
Iarmhéid amhail an 1 Eanáir	232,616	233,348
Amúchadh ag teacht le dímheas sócmhainní	(68,333)	(56,021)
Suimeanna Breise	12,086	55,289
Gluaiseachtaí Eile	4,090	-
	180,459	232,616



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

8 Fardail

	2019	2018
	€	€
Stáiseanóireacht	21,028	14,377
Fótachóipeáil / TF	4,288	1,028
Earraí Ilghnéitheacha	1,612	767
	26,928	16,172

9 Féichiúnaithe agus Réamhíocaíochtaí

	2019	2018
	€	€
Réamhíocaíochtaí	19,216	30,646
	19,216	30,646

Tá gach infháltas dlite laistigh de bhliain

10 Suimeanna Iníochta agus Fabhruithe

	2019	2018
	€	€
Fabhruithe	64,173	64,694
	64,173	64,694

Tá téarmaí na bhfabhruithe bunaithe ar na conarthaí bunúsacha.

11 Tobhach Pinsin

Is iad na costais tuarastail a n-áirítear sa chuntas seo costais chomhlána an Údaráis don tréimhse. Íocann an Roinn Dlí agus Cirt agus Comhionannais tuarastail thar ceann an Údaráis. Déanann an Roinn asbhaintí tobhaigh pinsin, de réir Alt 2(3) den Acht um Bearta Airgeadais Éigeandála ar Mhaithe le Leas an Phobail, 2009 (Uimh. 5 de 2009). Coinnítear mar Leithreasaí-i-gcabhair don Roinn sin iad agus b'ionann iad agus €35,985 (2018: €41,968).

12 Áitreabh

Tá ceannoifig an Údaráis lonnaithe ag Foirgnimh na Mainistreach, Bóthar na Mainistreach, An Uaimh, Co. na Mí, C15 K7PY agus chun gearáin a fhiosrú, ón oifig lonnaithe in Cearnóg an Easpaig, Baile Átha Cliath, D02 TD99. Cuireann Oifig na nOibreacha Poiblí an dá oifig ar fáil saor in aisce.



AN tÚDARÁS RIALÁLA SEIRBHÍSÍ MAOINE
NÓTAÍ LEIS NA RÁITIS AIRGEADAIS
DON BHLIAIN DAR CRÍOCH AN 31 NOLLAIG 2019

13 Dliteanais Theagmhasacha

Tá an tÚdarás Rialála Seirbhísí Maoine páirteach i roinnt cásanna dlí ag deireadh na bliana airgeadais. Níl an tÚdarás ábalta meastachán iontaofa a dhéanamh ar an tionchar airgeadais a d'fhéadfadh a bheith i gceist mar thoradh ar na cásanna seo.

14 Idirbhearta Le Páirtí Gaolmhar / Nochtadh Leasanna

Is iad atá i bPríomhphearsanra Bainistíochta ná an Príomhfheidhmeannach agus comhaltaí an Údaráis. Ba ionann an cúiteamh iomlán a íocadh le príomhphearsanra bainistíochta, lena n-áirítear táillí chomhaltaí an Údaráis agus luach saothair iomlán an Phríomhfheidhmeannaigh agus €151,562 (2018: €145,578).

Comhlíonann an tÚdarás Rialála Seirbhísí Maoine an Cód Cleachtais maidir le Rialachas Comhlachtaí Stáit (2016) arna eisiúint ag an Roinn Airgeadais maidir le nochtadh leasanna ag comhaltaí an Údaráis agus a fhoirne. Tá nósanna imeachta foirmiúla ann lena chinntiú go gcomhlíonfar an ceanglas seo den chód. Ní raibh aon idirbheartaíochtaí ann le páirtithe gaolmhara sa bhliain 2019.

15 Na ráitis airgeadais a cheadú

Cheadaigh Údarás an Údaráis Rialála Seirbhísí Maoine na ráitis airgeadais seo an 18 Samhain 2020.